

## MUSTÉR

### Engaschi en favur da fauna e flora

La sonda vargada ha la Secziun da catschadurs Péz Alpetta da Mustér arranschau siu di da tgira. Tals dis ein sil program da lavur annual da pli u meins tuttas secziuns da catschadurs el Grischun. Sut l'egida dil cau-tgira *Corsin Bisquolm* han 28 commembras e commembers luvrau en differents loghens. Ina gruppa ha fatg uorden egl uaul a Runfoppa enten rimnar roma, in'au- tra ei stada engaschada – medemamein a Runfoppa – cun la re- construcziun d'ina punt sco liug da traversar per la selvaschina. A Davos Casti ei vegniu luvrau vid il biotop dalla secziun ed ina gruppa ha remplazzau seivs da protecziun per viaza, castagners e nughers. Tuttas lavurs ein vegnidas liquidadas sin incarica dalla vischnaunca da Mustér, cun excepziun da quella vid igl agen bio- top. Quei engaschament en favur da fauna e flora ei vegnius ter- minaus cun in gentar communabel ella casa da tir a Sars-sut, pre- paraus dils dus commembers *Luis Schlosser* e *Valentin Bisquolm*. (fmr/hh)



28 commembras e commembers han prestau lavur en differents lo- ghens dalla vischnaunca da Mustér.

